



Eennâm- já meccituáluministeriö  
25.11.2019

## **Pargojuávhu iävtuttâs: puásuilohon ij nubástus, kenigittee vuovijd puásuikuátumij killeelvuodâ täähidmân**

Pargojuávkku iävtut stuárráamus suovvum puásuilohoon 203 700 elettempocud älgge love ive pajan. Palgâskuáhtásáid elettempuásuilovvoid iä iävtut nubástus. Poccui tälvikuátumij kilelis kiävtu visásmitmân pargojuávkku iävtut ráhtimnáál kenigittee palgâskuáhtásijd puásuikuátumij kiävttu- já tipšovuáváámijd. Eennâm- já meccituáluministeriö asáttem pargojuávhu pargon lâi valmâštállâđ iävtuttâs poccui tälvikuátumij kilelis pyevtittemnaavcâ miäldásii elettempuásuimeereest ivvijđ 2020-2030.

Luánduriggodâhkuávdáá uđđâsub tutkâmtiäđu vuáđuld pargojuávkku iävtut, ete palgâsijn váđáččii puátteevuodâst tipšo- já kiävttuvuávám puásuikuátumij killeelvuodâ visásmitmân. Luánduriggodâhkuávdáá mielđ poccui tälvikuátumij tááláá tile ja kevtittetteevuodâ pyereed- mân tarbâšiččii puásuitalukuávlu sierâ ossijd puoh pyeremusávt hiäivulijđ olesváldálijđ, kuhás pištee puásuikuátumij tipšovuáváámijd. Vuáváámijn valduuččii huámmášumân palgâsij iveaagij miäldásij kuáttumjuurrâmvuáháduvai ovdedem já puásuimeerij heiv- iittállâm táárbuh já máhđulášvuodah.

– Puásuikuátumij tipšo- já kiävttuvuávámeh olášutáččii kuávdášlávť haldáttâsohjelm ulme ovdediđ puásuitalu ovdánem kannattettee, kilelis já kulttuurlávť merhâšittee iäláttâssân iätá ráđádâllee virgeolmooš Tapani Sirviö.

Palgâskuáhtásij kuátumij tipšo- já kiävttuvuávámij vuáđđun toimáččii palgâsij pargojuávkkun iivijn 2018 já 2019 tohum iävtuttâsah palgâsij kuátumij sehe puásuitalu tiileest. Pargojuávkku onnij, ete tipšo- já kiävttuvuávámeh láá pyeremus vyehi turviđ puásuikuátumij kilelis kevttim kuhheeb áigáduvâst. Puátteevuodâst tipšo- já kiävttuvuávámáid kolgáččii nomáttiđ kyevti tooimâ já olášutmân kuávlulávť räijejum uulmijđ já olášuttemvuovijđ. Muulsâiähtuláš vyehhin ličij puásuimere rijjâtátuláš kepidem, njuovvâm toledem, poccui jä- vilkuátumij tile pyeredem, kuáttumjuurrâm ovdedem kesiäáigi tâi palgâsij ovtâstitem pehti- lub kuáttumjuurrâm orniimân. Palgâskuáhtásij puásuikuátumij kiävttu- já tipšovuáváámij valmâštálmân iävtutteh suulân kyevti ive valmâštállâmääigi.

Uásáláškuáhtásijđ lovoid iävtutteh oovtnálásittiđ tienuuvť, ete jyehi palgâsist uás- áláškuáhtásâš stuárráamus suovvum liččii 500 elettempocud. Nubástus ulmen lii lasettiđ váldutoimâlij já čonâđáttâm puásuimâsteijeje mere palgâsijn.

Toos lasseen pargojuávkku avžuut, ete ministeriö asáttičij puásuitalu puátteevuotâpar- gojuávhu, mon pargon ličij toimâđ Laapi IJP-kuávdáá tuhhiitem kiävttuvuávámij stivrimjuá- vkkun. Palgâskuáhtáseh kiävttuvuávámeh kolgáččii iävtuttâs mielđ leđe valmâšin olášuttiđ 1.6.2022 räájist.

Eennâm- já meccituáluministeriö asättij 12.10.2018 pargojuávhu valmâštállâđ iävtuttâs stuárráamus suovvum puásuiloovin. Puásuituálulaavâ miäldásávt eennâm- já meccituálu-ministeriö meerrid tälvikuátumij kilelis pyevtitemnaavcâ huámmášumán völdimáin ain love ihán häävild, kalle elettempocuu paalgâs uázžu kuávlustis ihásávt toollâđ, já kalle elettempocuu paalgâs uásálâš uázžu enâmustáá omâstiđ.

Paalgâsáid väridui máhđulâšvuotâ adeliđ macâttâs pargojuávkun. Toos lasseen pargojuávkku kuulâi vijđáht sierâ suorgij äššitobdeid. Táálâš asâttâs vittápirrâduvâin já stuárráamus suovvum puásuimeerijn lii vyeimist ive 2020 vyesimáánu loopâ räi.

**Lasetiäđuh eennâm- já meccituáluministeriöst:**

sierânâsišedeijee Teppo Säkkinen, p. 050 516 2868

ráđádâllee virgeolmooš Tapani Sirviö, p. 050 431 6077

Luánduriggodâh- já bioekonomia tutkâmuš 29/2019, Luánduriggodâhkuávdáš, Puásuituálukuávlv tälvikuátumeh iivij 2016–2018 kuáttuminventistmijn: Tälvikuátumij tile nubástusah já nubástusâi suujah, <http://urn.fi/URN:ISBN:978-952-326-763-3> (suomâkielân)

Čuákánkiäsuh äššitobdeekulâmijn, čielgiittâsâin já paalgâsij kirjálíjn oovdânpyehtimijn láá luuhâmnáál haavâ siijđoin: <https://mmm.fi/hanke2?tunnus=MMM039:00/2018>